




青陸集

洪

~ 16  
2411  
2



和  
2411  
卷2-2



青陸集卷之四

詩

舍弟在京患疾余寓西墅讀瘡病中咏懷

丁巳八月

離鴻分兩地衰疾各相侵  
荆樹殘秋色鵠原落日心  
無端身異被有夢夜知尋  
不識渠憔悴應憐我苦吟

自江西乘舟逆風三日舟不得行

水宿仍三夜疑為泛宅人  
厨烟和雨濕沙鳥慣顏親  
燈映村雙岸江涵月半輪  
詩囊空已久無



物戲波神

舟中九日

獨卧舟中久重陽此日回思家猶作客戀菊宜  
貪杯無帽風空急多愁鴈又哀與誰開口笑辜  
負醉歸來

洞友具參奉 看祝詞

慟矣交親在眼稀君曰何病又長辭微班供職  
衰年夢浮世關心舊酒危同壠相依孤女魄傳  
家只恃外孫兒孟光不替齊眉敬獨泣空堂掩  
素帷

舍弟以收議被罪自南移北路由京畿會

别于三田浦佐郎男作一絕次其韻戊午

二十  
二月

長程不盡日陰陰江水爭如别恨深絕塞應無  
鴈飛到音書欲寄只傷心

別後追憶寫懷

丁巳十二月十二日竄南  
海戊午正月移配于穩城

南海孤囚又北遷兩鄉凡度幾山川途中雨雪  
無虛日馬上筋骸涉二年夜夢倦尋青海遠晝  
眠疑對白眉娟鵲鴿杳杳原邊影未死重逢只  
恃天

同被君憐我甚衰分飛我復為君悲片言愛主  
身千里一念關心室兩兒湘水無情 息謹改  
囚山多事日光遲鴈聲驚鷺殺窓前夢錯認書來  
又却疑

二月十四日晝雨夜雪又有疾風回憶舍  
弟

春陰不解雨濛濛夜雪交飛又北風遷客耐寒  
何處宿此宵尤驗忤天公

寒食向先塋坡州道中遇雨

自冬以後至今春苦被天陰雨雪頻馬沒深泥

歸已倦人緣高岸路皆新獨尋野渡津誰問衣  
入山村犬亦嗔對竈羨他康節老窩中不出養  
吾真

鄉友趙應順庭光趙子彬文邀宿文會書院

感舊題詩

東庠西塾記曾遊共愛青留昔日眸逝水同歸  
憐舊伴春杯強倒破閑愁淺紅初入墻桃臉新  
綠方爭柳岸頭纔出洞門雲樹隔世間何日免  
萍浮

留淨土寺

寺壓平湖上危簷勢欲飛  
魂清山藹俗愛冷月  
侵扉鳥度汀烟去人  
搖野棹歸門前有蒼  
柏將與爾相依

贈別朴錫吾令公赴靈光

時除別舍易之  
行則病不得出

親愛連分數日中榮枯雖異別懷同  
淮陽須得如君重人世那堪使我窮  
雪裏掩扉憐獨病江邊贈柳羨諸公  
湖天日暖梅應早幸折南枝寄老翁

守夢鄭時晦令公赴襄陽余於其時適滯

鄉郡既還見留牋索贈追奉二律

病卧鄉山今始還忽驚鳧舄已辭關  
仙區榮養天應借隱吏幽栖地不慳  
漸勅厨人踈海味試嘗瑤草換童顏  
鹿門猶在宜長往行險何須返世間

昔憇征鞍峴首秋疑冰餘恨不曾休  
夢飛天外尋丹壑身落塵中到白頭  
仙侶邀公為地主桃源猜我阻漁舟  
百年未至行當往一約須傳鏡

浦鷗

歲甲午余守金城以詩官過襄陽  
亂離中不得誌賞故詩中及之

朴別坐謙愛閑堂八景次諸公韻

松裏玉峯巖更無塵與土晴峯一抹嵐散作溪  
村雨

右松岳晴嵐

庭際半塘蓮蓮間午夜月清香與清輝疑是瀛  
溪曲

右蓮塘夜月

暝色村邊來孤烟望裏白隨風渡溪頭半抹前  
山腹

右孤村暮烟

山中欲斜暉照此前途碧牧童隔溪歸路暗驅

牛急

右蒼壁落照

野渡石為橋溪流橋下迸行行多少人各照閑  
花影

右石橋行人

吹引漢江流帆連兩岸船相逢不辨商誤問尋  
源客

右江浦商船

獨尋朝磬行石路霜侵屨半日同僧閑香烟暮  
繞樹

右佛寺尋僧

乘閑臨釣灣  
投餌看魚出  
何物與相親  
飛來雙

魚

右槐灘釣魚

三月建州奴酋入寇  
撫順提兵以下四將  
戰沒賊夷城毀室而退  
天朝軍門汪可  
受傳檄我國使之赴援而  
廟堂以送兵  
無益之意  
回咨使弘文校理李塔齊去人  
情危疑恐有重譴

西米飛檄自軍門為報胡鋒犯塞垣  
春草遍塗

精甲血陣雲哀  
提兵魂擣巢欲合  
備邦力患

病宜酌再造  
恩可惜  
廟謨還不一  
臣民無

面此乾坤

次舍弟移配穩城贈別金吾即韻

乃朴悌  
生也

北望悠悠羨鴈征  
有官歸自卯君行  
羸形欲仆  
方離海餘喘猶存  
僅到城萬口和邊  
還立幟一  
心丹處獨輕生  
要知兩地愁多少  
聽取原鴒急  
難聲

舍弟詩

老我投荒合遠征，金吾何事共同行。  
臘梅香盡浮南海，官柳春殘到北城。  
雨雪風霜真作伴，流離顛沛倚為生。  
棘門重鎖歸天去，豆滿江吞鳴咽聲。

洗馬曹子實，文相訪論詩，贈以長短行二首。

夜靜第簷聽說詩，耳邊疑是唱成池。  
直宜盡春色，毫端滿九陌風光。  
句裏移身近，浩氣雲長隔。才堪起草世方知，老夫獨抱殘花病。  
欲和陽春興已衰。

官是宮僚後人，真學士才筆端，驚驟雨詩，真洗  
織埃鶴駕雲間，護書遙帳外，陪登瀛未咫尺，莫  
道隔蘭臺。

子實見和二首，更次以贈。

晴窓眠罷展君詩，艷似芙蓉出碧池。  
東省小官真饒屈，南溟異日便鵬移。  
唱高白雪誰能和，技止黔驢我自知。  
吟興病中尤索寞，任他花盛又花衰。

雕虫慙我技，絲筆羨君才。  
秋水元無滓，明珠不犯埃。  
官閑少海衛，跡逐列仙陪。  
燕國方求士，貴



金議築臺

次退憂亭韻實來誦讀題詠及次詩余亦注之

退不真忘世居猶寓閤時悠悠沙鳥興眷眷  
廟謨宜俯水身疑泛凌虛影更危憂憂兼樂樂  
先後自知之

次子實江亭遊賞韻

湖如西子鏡奩開約東清遊相與催沙渚撐篙  
鳥驚去蘋洲弄水花漂來舟中此世未為狹  
上失春難再迴酒盡且須問前店興闌不覺  
深杯

李秀夫陶濱自朴淵歸訪暮夜即還秀夫名尚

後時寓陶山以陶濱為號

看君行自朴淵歸水色山光惹滿衣別恨經春  
說難盡征驂怕夜去如飛陶山未必愁能避老  
境空教跡兩違屈子阮生醒醉異不知誰是又  
誰非

戲贈黃近伯柳勳仲

陶濱誇語朴淵遊云與吾兄數日留珠沫散飛  
晴晝雨銀河倒落老龍湫閑臨苔壁雲相逐靜  
卧松陰夢亦幽未免被他仙境笑不邀劉阮共

互搜

申同知 祝詞

揚葉穿來早有聲  
桂宮先唱是君名  
屢經鎮堡人爭譽  
兩佩銅魚世謂榮  
玉潤金輝超宰列  
蕙指蘭茁映家庭  
時危未覩橫戈再  
赳赳精魂託菁莪

悼鰲相

君恩猶貸死醜魅  
竟貽殃裔嶽空今  
世冀精返上蒼  
山河兩朝誓論議  
百年霜千里靈輜  
返歸途雨露灑

贈別宋永叔邦赴關西評事

有耳愁聞別語忙  
重攀離袖想斜陽  
久從支使星曾轉  
新佐元戎路更長  
多事不辭身抱病  
叅謀唯仗劍如霜  
誰教塞上驚塵息  
歸趁秋光慰斷腸

次韻謝友人見訪

君如丹桂秀凡林  
憐我踈慵為獨尋  
雲雨厭看時俗態  
雪霜同保歲寒心  
乍眠靜晝顏疑對  
苦憶清宵月欲沉  
驚鵲未知何樹繞  
遠宜相就與開襟

贈別金都事憲赴咸鏡回寄意於舍弟謫  
所

江漢秋風昨夜還宗英千里赴咸關雲霄幾歲  
曾垂翅道幕今朝又強顏青眼乍逢真似夢白  
頭相別轉無歡囚山倘得尋吾季為報人間事  
事難

萬死嗟余季今逢亞使行雖無一日雅可比十  
年情衰病傷時事難懷算塞程相思數行札幸  
寄鴈南征

連山金公輝挽詞

忠信家聲遠簪纓世祿迥官紆數郡紱身老故  
山田既享年稀古終教壠倚先門多賢子姪二  
戚禮無愆

宋評事永叔挽詞

去時君辭我來時我哭君去來一瞥間有死  
生分佐幕為名誤正值遼塞氛搜銀兼有命  
促鞭穿火雲郵亭夢乍驚旅魂招不聞妻子隔  
迢迢僮僕涕紛紛露思返靈輓滿路哭芝焚  
正直是君質清雅是君文不應便成塵隨例埋  
荒墳時危氣愁慘存歿同悲欣去去西原路丹

旌帶斜曛

贈別趙叔清歸赴全羅都事

此日離懷只自知時危那更問前期浮雲易散  
長空影驚鵲終依底處枝佐暮最妨身作  
憂休信酒盈危湖天幸接嘉林路歲晚  
恨遲

與韓載寧仲安及佐郎男同遊中興洞

九月初

古堞綠崗斷清溪漱石流冥搜力雖倦獨坐興  
還幽勝地長如昨明年復有秋時平老更健準

擬此重遊

載寧與佐郎探勝而去余留溪上

二客尋幽去穿雲問幾重步輕唯任役身健不  
須筇路斷緣溪度林回與鹿逢歸來說勝賞聽  
罷未知慵

保晚亭

揚花渡以此為名

保晚亭何處投金古渡頭非目三點去只為二  
宜休江似平泉淨園依綠野幽沙鷗嫌易押應  
訝退猶憂

次洪益山綴伴鷗堂韻二首馮余避

解綬尋桑梓為堂俯澗流年光方屬暮雲物已  
辭秋詩是日閑得官非以病休窓前收八景生  
理不曾愁

自有相親鳥何曾厭寂寒雨移隣園菊晴采石  
田蕭治郡絃歌咽休官野興饒公私俱不負閑  
計送朝朝

次朴僉知縣松亭韻

幢幢雙蓋合景物餉清遊密葉栖風足盤根得  
地幽陰陰常傲夏瑟瑟未離秋他日尋童問山  
中倘久留

次晚翠堂韻

前監察李壽居  
仁川有此堂

舊庄歸卧想伊人松竹環堂眩丑寅臘後獨榮  
簪佳夏雪中仍翠檻疑春暎窓密葉蔽幽夢低  
戶寒枝掃俗輪回視紛紛蒲柳色望秋先落恟

金神

次示佐郎男詠茶二絕

可忘機處未忘機多事枯茶日日圍談笑只輸  
孤注了雪中那解羽觴飛

謝安真解用兵機敵至唯將一局圍今日亦如  
賭墅日行聞遼左捷書飛

南陽府使龍溪金公止邀與觀獵贈以長

短律二首

身與孤雲墮海邊依然王粲倚樓年  
雙眸下對寒山頂萬事相悲落葉天  
昭代正愁張網密獵人還闖獲禽  
先世間爭奪紛如此只可都輸一笑前

此世知何世他鄉即我鄉  
秋殘愁裏色菊謝空  
邊香獨鳥依寒樹雙鳧返夕陽  
披襟太草草有夢寄琴堂

龍溪次韻

竹筴來駐海雲邊跡斷脩門未半年  
青眼白頭俱暮境落霞殘日共秋天  
遲回世路君差後飽閱人情我已先  
置此且看今夕事僂趨誰脫網羅前

平明發院令馳驟羽毛鄉草潤妖狐血風飄  
駭麋香割鮮酬勝節收網趁斜陽更有成都  
客清詩和草堂

龍溪歷訪僑寓而村人誤傳謂余不在未  
得相叙錄奉一律

聞道村童誤應門僑居不見過高軒  
誰家書午

題凡罷何處尋花問柳煩永日柴荆添寂寂一場談笑隔溫溫山陰乘興非關雪要把交情更細論

龍溪次韻

曾逐東風到野門  
柴扉寂寂閉茅軒  
郡中長想云書靜  
閑裏應嫌問訊煩  
深謝寄詩要我知  
未能勞酒為君溫  
會當一騎勤來往  
多少襟期對榻論

疊韻再和

驚聞剝啄乍開門  
再得隋珠照客軒  
漫興不妨

隨遇寫差科非是為私煩  
愁吟夏日燎空烈苦憶春風滿座溫  
身老時危悲不奈  
七哀思與仲宣論

龍溪次韻

邑里蕭條近海門  
數株榆柳繞堂軒  
身衰只合休官速  
民散多慚出令煩  
亂世作州無趣味  
故人為句喜清溫  
寡室誰相問  
坐想潛夫老著論

龍溪書示以箭破無魚不得分寄之恨戲呈

橫索編簾截海流銀鮮日日自官收長風捲浪  
天相接獎筍沉波岸獨留任使河神專水族還  
將畦菜媚盤羞曰憐老客歌長缺多謝交情到  
白頭

龍溪次韻

狂飈駕海卷洪流百丈魚梁散不收人陟斷  
崖空悵望客歌長缺可能留市鮮騰價漁商  
喜畦菜專腸膳者羞袖裏韋箴龍伯手與君  
期飽海東頭

舍房自謫所寄烏竹枝感吟

別來三歲想吾衰遠寄扶竹一枝動試苔庭  
徐步處閑携松迳獨尋時蓬飄客路真堪倚龍  
化仙陂未足奇何日滌瑕辭海岸棣棠花下柱  
相隨

龍溪次韻

青眼無期白髮衰憐君千里隔連枝池塘草  
綠生新句風雨床寒憶舊時黃耳忽從天外  
至烏篁先入手中奇熱意遠寄知何意應願  
扶持到處隨

聞龍溪自江華厨傳還錄奉



江都今與晉陽同保障初完亦已雄滄海為池  
浮戰艦祥雲出島繞行宮官豐厨傳迎中使津  
息驚濤待相公却戀腰金多病守鳧來鳧去趁  
炎風

龍溪次韻

十日衝泥吏卒同從來世故困英雄掃門趨  
走迎華蓋承 命聯翩下紫宮休把江都誇  
地利且將時事問天公歸來滿面皆塵土  
取蒲葵障北風

贈成生往覲安邊

曾聞王勃赴家君彩服君今照塞雲別後可堪  
門寂寂杯前空有恨紛紛時危聚散同萍泛路  
遠音書信鴈羣去去炎程須自愛好留青眼待  
秋分

次錦山東軒板上韻

癸亥四月  
赴此

列出環成四面屏身同秋葉此間零川光淨布  
橋邊練野色青搖雨後庭葉拓欲誇時漸泰江  
山如訴亂曾經有田不種淵明秫事催科損  
性靈

安城社倉板上次東岳韻

峽口呀成野村居此作隣耕亲自不惰俎豆未  
曾陳境似桃源靜風餘太古淳恨逢多事日愁  
殺石壕民時據據遠連

次星谷書院韻

精英上化碧空星祠宇今依礪谷青石涌原泉  
新學海林留雙檜舊園亭四賢炳炳開來業兩  
將堂堂未死靈香火歲隨丁後設頻繁亦解為  
人馨

次全州寒碧堂題詠

礎目潭上石天別望中州峽水穿雲謁峯陰鎖

戶幽飈掃知幾級夏簟占先秋倚檻留餘興要  
成夢再遊

次全州寓居李生負壁上韻

一室安貧萬事慵不知干祿不為農乍明乍滅  
山千態還捲還舒霧數重清愛細泉留作澗靜  
聞寒籟暗生松庭前莫掃蒼苔破別後要留病  
客蹤

次淳昌東軒板上韻

兩賢生應五星光得使東方夜免長只恨鸞凰  
栖枳棘穎川無復重徵黃兩賢即金冲菴并訥齋也

二公高義並三光  
後世羸教令譽長  
莫道絃歌政已遠  
至今遺俗獨羲黃

惠連留此墨花光  
琴罷人亡歲月長  
白首傷心

陳迹裏青衿濟濟  
映槐黃正從伯幾曾為此郡  
留題後二十餘年余

茶談席于此  
次而寓感

次襟字

谷鳥聲中不厭尋  
談經盡日夜兼侵  
當年氣像知何似  
冰照懷中月映襟

鎮安

竹巖為礎聳林端  
碧澗循除響殷山  
蒼角半歲

松影裏似嬾頻對  
宦遊顏

次龍潭板上韻

岸對孤軒近溪從  
翠峽迴桃源知不  
遠坐待落花來

次張大諫谿谷韻

甲子二月李迨叛  
自西路入京大駕  
出幸公州居三日  
迨賊敗滅大駕即  
還都大諫賦其事

親御戎衣返六飛  
南風護蹕促西移  
中興天佑周新命  
故國民瞻漢舊儀  
雨浥驚塵清輦路  
山

翰佳氣扈鸞旗神功自與乾坤並不用磨崖更  
撰碑

谿谷元韻

半夜行宮露布飛錦江春色翠華移千官扈  
蹕仍戎服七校連營匝羽儀靈雨不妨沾雉  
扇雷雲長為繞龍旗詞臣各把如椽筆誰勒  
中興第一碑

讀書堂諸公回事貽書以詩謝之

丹鳳羣翔覽德初詞林始見俊才儲論思經幄  
歸燃燭賜暇湖堂出檢書九醞香濃霑 聖渥

三清界迥倚仙居瀛州物色應朝我盛事周旋  
未免踈

方伯李公子淵曾求別章今聞乞辭甚切  
奉呈

棠葉年光欲再移辭章終未荷 思慈燕銜按  
事日停飲匹馬觀風不厭疲病裏日添新藥餌  
夢中身訪舊荆籬白頭老守歸誰挽下下深慚  
自考遲

除夜獨坐善懷

甲子

守歲安能使歲留此年將與此宵休孤燈影下

心千緒五馬塵中鬢二秋春草已知催遠夢斑  
衣恍若映昏眸老腰強折緣何事坐度寒更悟  
自謀

聞捷兵進屯鴨江越邊遣悶天兵敗於深  
河虜目割據

遼東已八年而  
天朝不敢窺兵

深河戰血洗何由遼左日輸一虜首割據屈今  
天下力傍窺貽我海東憂臨江自謂拔鞭斷侵  
鎬方期牧馬休獵火且猶欺四境世無頗牧湯  
空流說乃誤也

全州權府尹奉大夫人挽詞

烏情為乞一州雄孝欲無窮命有終花詰榮從  
餘慶裏義方傳自斷機中思歸故宅魂忙返有  
約重泉穴始同百歲未盈纔二八二連猶且怨  
蒼穹

韓龍仁浩浩挽詞

翰墨無成屈蔭班銅章三佩散民還沉綿歲積  
魂目逝平日杯空酒已乾宿草墳前尋契活晚  
年琴裏戀餘歡南鄉舊伴今誰在解組將游滄  
自潛

早緣瓜葛許心親老境相離恨日新久絕手書

憐病劇忽聞哀訃我言神朝衽半破蕪塵殉酒  
聲猶存想像陳欲寄數行哀涕去山川脩阻只  
沾巾

贈震一觀察關東二首

去歲銀溪一馬官今持玉節按江山扶桑日浴  
千尋浪楓岳秋晴萬疊巒二十餘城行色裏三  
神仙界俯臨間景無定態暮難狀只有孱顏可  
畫看

金剛仙賞屬清秋想破塵寰局束愁勝處任從  
僧引去遊筇多被景淹留芙蓉削出千峯瘦銀

漢斜連萬瀑流病卧只要日夢訪山靈應忌汗  
丹丘

八月十一日呈辭狀于監司以 朝廷處

置狀啓喜而賦之時監司記疑關東

簿書叢裏病三年一紙陳情感二天 朝議亦  
應憐老物私心先自促行報堂前雖滿班衣舞  
燈下將成共被眠欲把秋風歸去興盡輸元亮  
昨非篇

謝吏曹金判書北渚公余以軍職同日奉

謝奉

盤血先成定策盟天官拜東量計衡膏涵水鏡  
人人辨脚踏雲梯步輕虎拜三宮 息作靈  
鵬搏六翮海連程自慙無力越塵後歸擁寒衾  
夢亦驚

趙金知彥伯年作挽詞

與君同榜又同庚不謂逢春隲死生五郡分憂  
腰墨綬僉知升秩頂崑精病多罕會衰年面哭  
罷空傷此日情莫為庭蘭憐子子諸孫猶足繼  
家聲

利川羅生負 挽詞

家稱冠冕舊緝聯貫在南州客利川契活酸寒  
兵火後容顏凋喪旅遊邊喜尋三胤壘泉夜忍  
訣諸孤大暮天魂魄定尋來棹去玄廬空鎖甌

山烟

吳兵使定挽詞 兵使乃余 武壯元也

妙藝能穿百步楊身為五百佐元即屢臨節鎮  
恩威並連佩銅章惠愛長慶播階庭諸玉樹年  
尊七十五星霜人間五福公兼享一慟聲中慰  
斷腸

韓政丞夫人挽詞

無遠內則一篇言偕老深歡溢相門花誥榮封  
從鼎軸階庭餘慶播蘭蓀林鳥日反稀年哺塵  
鏡鸞含佳影寬舊案定尋泉下舉齊眉想得慰  
孤魂

宋木川年友惟挽詞

彥伯纔亡又哭君旅魂招處隔愁雲鴈行指點  
始將盡薤露聲傳可忍聞官止陰班安賦命庭  
樹行揚芬新阡雖與松楸遠靈爽相尋路  
不分

南宮府使夫人挽詞

卿月閨中禮飭身桃夭詠慶行宜人吉符熊夢  
蘭芽茁政助琴堂錦翼馴一紀未終偕老約百  
年唯減十餘春榮留花誥歸同穴舉案遺誠想  
再伸

李槐山慶挽詞

膏肓終未遇良醫六十生為兩豎欺金帶舊輝  
無主晦芝蘭餘馥滿階滋淚盈姜被沉痾劇計  
及桐鄉故老悲風樹孝思均罔極計遠便養最  
長噫

趙知事懋挽詞



五福能兼世幾人唯公贏得享終身鬢留七袞  
餘春色腰帶中樞二品紳丹鳳雛多毛質美白  
眉郎戴桂華新親朋只慟幽明隔哭別靈輜素  
幄晨

韓知事德挽詞

蓮科桂籍並登名揚葉魚穿孰敢爭賭墅千場  
消永日擁旄諸路藹治聲閉門身享專城養尊  
齒階陞正憲榮有子有孫餘慶遠魂歸堪慰九  
原情

贈別柳勳冲赴春洲

露冕曾遊二樂樓今將餘興赴仙區淮陽誰道  
於君薄句漏人知為藥求只喜雙鳧飛化鶴不  
嫌寒雪亂侵裘此身未脫呻吟裏辜負東郊贈  
別愁

勳府虛高座官樓養宿痾吏為雲壑隱琴和野  
樵歌衙鼓簾前午漁舟檻外波於公興自足柰  
此別懷多

清陰公朝天別章

觀周此去問何回天為吾邦示有人翠栢寒松  
資標格貞蘭白雪借精神霜凝諫紙朝編肅鑒

別羣材鷺序新靡監忽膺專對遜告休翻作獨  
賢身一生忠信樟鰲柱萬頃滄波視錦自海若  
護槎先息浪飛廉送棹自知津南宮進帶香盈  
篚吐極號天露洗塵素志不曾驚罷辱雅操誰  
使受緇磷曾連高蹈風堪揖季子輕裘劍獨親  
離袖未容私愛挽病魂唯許逐征輪

贈別登極使韓知事仲安之行

新瞻南日北辰天賀使行隨鳳 勅宣席改南  
宮台座近孟辭西陌柳絲牽身將忠信凌波上  
海引魚龍護棹前一怒殲胡傾耳待歸帆須趁

朔風先

贈副使閔叅判

黃麻 勅寄使星回利見飛龍御八垓賀燕正  
逢成廈日芝函並屬誦詩才身當 王事輕於  
葉海接長天視似杯佩響早辭宮紫闥離愁晚  
對雨黃梅水仙爭護波先靜風伯前驅棹自催  
寶座雲崇新五色巖廊星改舊三台 皇武定  
掃胡塵淨歸路應從薊野來夢覺玉河秋月夜  
鄉心誰使便成灰

次韻觀水亭 暨三首

倚檻觀澄碧閑情觸物牽鳩眠沙上兩月倒浪  
中天帆逐潮來往魚游浦後前卜隣能許否簷  
影不妨連  
間欲趁朝早湖光又強牽沙明疑是雪浪碧不  
分天人指亭為晚鳩知約自前烟波解人意不  
與俗塵連  
觀水非他術唯為勝賞牽容如淡粧面涼住已  
炎天夜靜漁歌裏星翻浪舞前扁舟催早泛波  
興五湖連

迓平江亭

天教造化費精神創此亭臺屬可人烟歛白沙  
連野雪風搖綠水滿江鱗菊崖楓映三秋錦巖  
頂松藏萬古春物色相誇知有意欲邀公卧水  
為隣

次王城府院君豐德別墅詩韻

青山一面與長江天不終慳付我公世可魚舟  
簷影外弄春啼鳥午眠中波光自遠回窺近樵  
徑緣西復抵東只為未辭輕重繫有時歸卧有  
時空

芝峯李判書挽詞

溫然如玉座生春鵠峙鸞停映摺紳歛迹不尋  
桃李徑將身自比雪霜筠曾藏水鏡持銓正詩  
繼唐風換骨新世念漸踈床翰墨綵衣雙舞頂  
崑珍樓成上界催題記民向蒼天怨不仁辭命  
當修誰潤色台階或缺世難人瓊琚滿卷曾換  
我風采經旬已化塵淚洒靈輜堪慰處數十名不  
與迹俱塵

吳秀才 內子尹氏挽詞

初遠自決血餘刀哭至崩城蕙自枯死出至情  
無可奈家思遺行咽悲號稟砧嬰疾懷沉痛天

壽關天怨未逃半歲未曾吞勺水數杯回使殞  
天桃忍書後事先留篋暗製明衣並在棗先墮  
得成同穴約百年終免獨生勞旋間足可名傳  
世望旒人皆淚濕袍多少空閨長泣婦有誰能  
比此娘高

領議政象村申公挽詞

名齊元禮世模楷位躡三台第一階仰出申歸  
多難會鸞鶴峙百僚魁妖星乍現身嬰疾盡  
像俄傳哭滿街憂國自任丹悃盡匡時還與素  
心乖 楓宸震悼深留眷 鶴駕親臨為愴懷

靈爽已隨箕尾去文章不入地中埋初非待漏  
期終日不忍忘君便乞骸德業千秋應在世行  
者黃綃照蒼崖

次張判書谿谷贈別清州

韻春一戊辰赴清州

水鏡涵宵海人才得幾何爐邊金自躍籠裏樂  
應多久隔春風座空吟郢雪歌欲尋桃李徑還  
怕簇群珂

疊韻

反哺烏雖幸離懷遣奈何家傳終舞久山望白  
雲多人慟傷時哭鷄傳報曉歌廷諍不量老起

趙滿衢珂

李叅判灑稅詞

病裏生涯逐逝川從今永訣酒中仙薇垣諫紙  
餘霜肅鵬鳥長沙舊賦傳床上銀觥無主倒壁  
間金帶鎖塵懸交情不為幽明變伏枕空教淚  
迸泉

李同知光稅詞密路朝京返葵

生別目成死別哀海風吹送旅魂迴 皇恩護  
路鯨波穩 聖教頌家淚眼開使節忠勞垂竹  
帛玉關遺跡寄莓苔今以禮先塋側定省還

忘是夜臺

徐判書潜挽詞

蒼顏白髮似仙翁  
鶴鷺行中氣最雄  
意謂百年神自若  
誰知一日命還終  
夏卿譽洽衡平政  
烏府人欽鵬擊風  
萬石君家榮一世  
具瞻班序亞三公  
臨危扈駕身忘老  
隨事陳謨志盡忠  
綵服喜看諸子舞  
金樽不使暫時空  
巖廊未展經綸策  
姓字空留市井童  
淚為公私俱不禁  
在生難使此哀窮

洪同知年友魁挽詞

同榜同調豈偶然  
喜君從仕最居先  
吏治碑在人人口  
榮養家兼處處便  
有急不辭身  
扈駕得閑要與友  
開筵向來勝事今  
難再他日相尋是九泉

申宗泗母夫人姜氏挽詞

星貽餘慶世皆均  
獨惜一婦人隻影閨中啼  
薄命孤男松下化  
微塵齊眉舊案今  
應舉同穴初盟始得伸  
曉夢靈輜誰是主  
攀號只有數旁親

李修撰母夫人任氏挽詞

誠孝皆知稟自天  
宜室行兼全  
熊蛇不幸都無夢  
月縷如何又短緣  
養得至親麟角質  
喜看頻侍玉堂筵  
魂尋同穴寧辭遠  
一隔幽明四十年

安長洲 澹 母夫人柳氏挽詞

夫人文化舊簪纓  
貴又曰男贈以貞  
歡洽瑟琴偕並老  
養兼甘旨享專城  
王祥未效寒魚藥  
孟母唯傳故里名  
三子纍纍同盡孝  
魂歸應慰九原情

姊女沈 鏞 妻李氏挽詞

天不容偕老餘生  
失所依閨中一隻  
影膝下四斑衣兩  
豎欺殘命孤魂掩  
寢扉應尋同穴約  
舉案滂交揮

權 叅判 恭 挽詞

斗南名與壽兼尊  
奉命西留督府門  
喜見漢旗登岸勇  
再令胡陣曳兵奔  
歸期方切 朝中望  
卧疾還招客裏魂  
莫恨迢迢鄉路遠  
護程贏得荷天恩

金沙溪 挽詞

仁宜上壽德彌尊  
所學宏涵義理源  
應世鳳儀

新化日歸朝身別舊田園 書筵講處前星潤  
玉座寒餘一曝溫事有是非寧好辯禮明儀則  
不嫌論杖鳩得遂還山願執雉爭求入德門梁  
木遽摧文已喪士林相惜道將昏傳家詩禮無  
窮慶播世芬芳不朽存卧病悲吟薤露曲日風  
為我報新原

贈別關東巡使李公重卿之行

地臨東海別壺天按節仙區是宿緣湖映青空  
十有六峯抽白玉萬餘千層崖雷闔飛流落古  
洞松歲老鶴眠探歷此間無限勝今行非獨為

詢宣

李贊成公直挽詞

素履人皆服初非過實名行同金矢直心徹玉  
壺清歷郡珠還浦牽裾履登聲囊空奉使日風  
掃卻金程耿介三 朝老堅剛百鍊精清貧到  
今日寵擢映羣卿班亞巖廊峻恩兼几杖榮燕  
毛時序齒天醞瀉盈觥呼我稱知己逢場話盡  
情滿頭衰白亂憂國寸丹明祿盡周誰繼形羸  
疾又嬰曰辭浮世累不待百年盈私慟吾何說  
公朝勢亦輕塋依先隴卜葬荷禮官成恍若瞻



儀表還忌隔死生寧論壽有限不禁涕縱橫

辛正已成挽詞壬申

相思累歲訃音傳慟矣無目泣訴天藝苑早能  
連奮翼要津不肯強隨肩年館耄爰仁方驗庭  
茁芝蘭慶亦綿身後知申頌 贈與粉書唯得  
賁新阡

李同知奇麟挽詞

早擅聲名採藻倫龍門未免作枯鱗郡章厭帶  
歸田里齒爵超階聳搢紳在世悲歡同一夢滿  
庭蘭蕙住餘春先塋風樹魂目祔存沒能教孝

思伸

任承旨子正夫人鄭氏挽詞

宜人宜室行兼全命薄安能不怨天愁掩單櫛  
經幾歲魂辭百藥化飛仙專城榮養依係夢泣  
血悲哀大小連最恨慈顏生別久歸程只送訃

音傳

次承旨男院中詠雪唱和之韻

誰教一夜雪成宮寒氣唯思借酒融片片亂粘  
蘭署幄踈踈爭舞禁庭風瑤階列地人嫵步瓊  
樹成林色映空趁漏衣裳何厭早時雖可涕道

猶東

迎平府院君李公挽詞癸酉春二月是時公也

天向邦家太不仁時危胡忍奪斯人  
勲勞世仰麒麟畫論議名稱骨鯁臣  
撫櫬東朝餘涕淚懷忠上念哭祖宸  
追陞相府尊居首泉裏應如夜再晨

青陸集卷之五

雜詩拾遺

願作冷秋菰

不願河朔飲不願汗漫遊為玉玉亦鑠為金  
金盡流樂彼水中菰青青當冷秋涼風吹碧葉白  
露洗空洲生意日日蘇莖氣朝朝浮得去酷吏  
暑寧知乾死愁我生願作爾免此長夏憂共分  
一秋涼同倚清溪頭枝間晚涼回葉際炎蒸收  
所憂不如草日夕心悠悠

鹿仙

赤松是家世丹丘是壺天羽駕方上漢暫作鹿  
中仙紫洞日為羣瑤草時同眠處忘物與我行  
無後與先吻吻洞月中濯濯羅烟邊朝引茹紫  
芝暮伴飲醴泉求友必相應食草如同憐物外  
托神蹤世網誰能敗王喬屢招邀玉皇徵聯翩  
一朝騎鹿去遺迹都茫然

寒花晚節香

朔鴈南翔北風勁木葉蕭蕭天南霜幽蘭無後  
委空谷碧蕙摧落指微芳離邊獨有繫繫菊  
藥猶發萼萼香紫艷何傷十月寒孤叢不改霜

前黃陰風振條愈不改密雪壓枝曾無傷落英  
堪為屈原餐餘馥可泛淵明觴冰操好伴絕俗  
士笑殺春風桃李粧

題白樂天賀雨詩後

陰陽交六玉燭調時雨時暘於此均飛甘洒潤  
衆綠欣沛然不待祈蒼旻從前元陽或為災土  
龍石牛爭交陳宣吟雲漢禱以璧湯用白茅嬰  
其身于今何幸見時若天公不勞鞭龍神銀河  
疑自碧空瀉白練亂垂茅簷晨飄來野外銀成  
竹飛度水上波生鱗人旱都隨國旱滅祥禾慶

處流甘津雨珠何救卧雪人雨玉未活啼飢民  
爭如此雨能以時日使百穀盈倉困天能聽早  
必有感頌聲皆歸君一人詩人寓賀一篇中能  
使盛事傳千春休徵今歲獲再見風以五日雨  
以旬樂天所喜吾亦喜恨不同賀今昌辰

憂國願年豐

一國再經在酉陰民無恒產與恒心此時至願  
非他事周歲連豐是寸忱雨自知時需且足風  
能解愠古猶今詩人遺句沉吟久欲把吾憂較  
淺深

早春

雪裏韶光布未均園林物色已迎新臘寒衣盡  
梅仍笑風力猶微柳半顰狂興錯疑蜂咽耳遊  
人爭待草如茵東君毋愛催佳節漸使家家醉  
送春

無地起樓臺十韻

高岳堂堂拔俗流靈臺皎皎凜清秋一區傳世  
生猶足數畝容身德自周官是居台猶慶約庭  
繞旋馬况為樓荷先環堵聊安分多占餘基本  
不求可怕高明為鬼瞰肯將輪奐擬身謀居爨

違卜今齊相儉欲師吾舊鄧侯未見彩暈飛特  
地曾無累土傍蝸牛凌虛不必跨軒敞居隘猶  
堪恣卧遊莫道麗譙無肯構能教儉德得增修  
紛紛甲第連雲起回視公居不解羞

贈別

聖節使某

丙午年間作

流虹初度慶重周賀使星槎遠趁秋浪岸離歌  
頻誤曲龍灣別恨獨回舟身將玉帛舒君敬  
衣惹天香拜冕旒親見姬文仁孝德羨君行色  
辦奇遊

某人赴京別章

別情何事不能寬暑雨江山路正難遼塞泥融  
淹去轍燕郊潦漲沒征鞍千官佩響同趨闕  
萬葉秋聲獨掩關鄉思迢迢應少曠清詩須寄  
故人看

送某人以諫官遼職赴京

此去離愁我自寬燕山行路不曾難河源春色  
仙槎上帝里飛花客夢間滿面餘霜前給諫  
盈朝綉禮舊周官吾君器使寧無意王事  
須公罄寸丹

贈某人書狀官赴京

清江集卷之五

四

雪裏嚴程壯去長勸君須盡渭城觴九連臘後  
迎春色八站燈前夢故鄉雲帶別愁遠路遠馬  
知王事度關惟手擎玉冊東還日江柳江花  
與寵光

贈某人赴京二首

誰洗吾王恥君乘使者車箋天才已試起廢  
寵非虛風雪三千外清羸五十餘丹心雖許國  
骨肉意何如

世亂兼身老存正足別離浮雲知舊散宿草弟  
兄悲今子又千里况吾方一壺無回把杯送淚

濕贈行詩

某人挽詞

甲辰年閏作

身兼天下達尊三耆老樽前作羨談王氏二郎  
槐有驗右軍諸子日分甘歷官處處相鄉愛隨  
化悠悠醉夢酣一在歌終今幾歲金泥恩號映  
同龕

某人挽詞

真元常戒藥常加到此浮生即有涯人世永辭  
雙鶴髮寢門誰見一衰麻孟光死別時經月靈  
運生離歲改華陶穴只應為樂地斷魂招得託

何家


武臣某人挽詞

穿楊妙技早成名一世皆稱趕趕英帶劍腰間  
躋二品佩符關北歷三城年踰耳順斯為壽家  
有熊兒又繼聲世亂何人當保障九原難起益  
傷情

忠清方伯某人別章二十韻

方面真堪寄澄清屬望深名高廊廟薦簡自  
聖明心節制仍金錢詢宣奉玉音身辭鳳闕下  
路指錦江潯細柳晴搖影甘棠翠逗陰隨身唯

藥物為政只官箴露冕湖天霽觀風盡戟森憂  
時戒宴樂玩月罕登臨講武風驅令懷民惠作  
霖列城多解印屬邑絕懷金樓為壽邊倚山曰  
設險尋雲造勞狄望日遠寄葵忱吏散書空案  
神清月映襟得人皆喜也笑侶獨悲吟征袖誰  
能挽離懷自不禁夫空愁鷹斷海濶想鱗沉側  
席方超古親賢執此令行當補袞職行待和薰  
琴望眼迷汀樹斜陽下夕岑寬心不在醉別酒  
未須斟





青陸集卷之六

雜著

愛山堂記

木覓一足南走欲盡至青坡而成一斷壠去朝  
市不遠而實多田野趣相公自平時卜其陽今  
葺小堂數間名之曰愛山余見其自堂之前環  
左右生於顧眄者皆山也遠者如朝近者如對  
高者如立低者如跂朝而望之則宿雲初散群  
峯爭出蒼然蔚然或竒或恠夕而望之則暝色  
四起蒼翠隱見歸鳥已盡薄雲獨還千態萬像

供四時而不窮者皆於堂得之相公之愛其在此乎世之以山為可愛者以其所立真奧與世隔絕理亂不聞榮辱不及深林邃谷足為隱者之所盤旋也其次如四明天台為天下別界玄聖之所遊化靈仙之所窟宅丹丘福庭可以解域中之常戀也今山則異於二者而相公愛之至於名其堂豈所愛異乎人而獨愛此尋常丘壑哉蓋相公早以碩德偉量匪躬于朝彞鼎所銘照爛一世而及其 扈聖崆峒忠勞獨著隱然負當世喬嶽之望數年來雖解相印朝有大

議必咨於公若龜之決疑不特 主上注意館亂獨善亦非公之素心則所謂深林邃谷可愛而不可入丹丘福庭可慕而不可尋而茲山之嶙峋翔舞適為一堂之助公退之暇悠然相對亦足以寓樂山之趣此所以愛之而不知倦者也此之於人中行之士不可得以見之故狂者狷者以其有所進取而為夫子所與也然則相公之愛非愛山也乃愛君也愛君焉而不能勇退於危急之際故托於近郊之山寓其愛爾使相公朝焉廟堂建大議贊大政而自公委蛇退

食于堂靜對蒼顏凭几以思曰今日之議果可  
以雪國耻而制外敵今日之政果足以宣主德  
而紓民隱乎二者皆得則怡然自適遣興於香  
霽之間其或嘉謀嘉猷一有未告則出岫之雲  
不可以為悅歸山之鳥不足以為悅唯斯謀斯  
猷得行而為我后德則可以為悅以此思之日  
復一日終使國耻雪而外敵制 主德宣而民  
隱紓活溪勒中興之碑雲臺煥功臣之像然後  
幅巾藜杖逍遙於此看西山之爽氣受東臯之  
素調優哉游哉聊以卒歲則是堂也與裴晉公

綠野堂可以並稱而相公之能事畢矣相公為  
誰梧陰先生海原君某也

白川鄉校再創記

寇退之越十一年姜侯紉自宣城增秩移領郡  
章其政以興滯補弊為務而尤所汲汲者學校  
也一日掃簿牒行乎校之舊墟喟然歎曰斯文  
非倭寇所得喪而風化之源不可一日廢今  
者賊壘已掃 天朝經略之兵撤矣 一  
序而申孝悌惟此時為然乃詢士人 志者  
而以其後屬焉令一下而四境爭趨之材自公

鳩而後則子來越一年之九月殿先成次而廡  
於東西次而齋於左右而嵬然其前者即所謂  
明倫堂也於是先聖陟降之所諸生游藝之地  
次第而備澗壑始滌其腥穢草木皆著其文章  
山助乎仁水助乎智若初不經兵火者既落有  
一人作而曰樹伐於宋而禮自若經焚於秦而  
道不灰是校之蕪亦何病於夫子之道然當其  
廢也俎豆埋棄於賊塵絃誦寂寞於空山竹帛  
盡而士不見遺經衿佩散而人不知讀書道雖  
未喪而行之無日及其寒烟一掃茂草旣剪輪

與之搆再出林間儒林生氣常布知歸湖學之  
徒將見成羣道之行也未必不基於此則是校  
之興豈非斯文之助而姜侯之功於此著矣顧  
其崇以南面玉振金聲而顏曾群弟子列侍左  
右盛德光輝若接於人而閭閻侃侃亦可想像  
使其出入瞻仰之際或尋其所樂之事或慕其  
所言之志逢原於孝悌願安於忠信一言必於  
是一行必於是則其德日進其業日修上不愧  
於身通六藝之列而下可以友從祀之諸君子  
矣不然而徒禽息於堂獸偃於齋入則不知孝

出則不知悌五者之倫未能一焉土墻當面靈  
臺長夜昔日文風委於蔓草而忠信之化終歸  
寂寂則非吾之所望於二三子也安君應慶請  
而識其說是歲之萬曆三十五年丁未也某記

自可堂記

慶君述古卜清明東谷而構一堂以自可名之  
其言曰天下雖有佳山麗水必可於吾意然後  
以之樂飢而拙違若衆人所皆可而吾獨不見  
其可則無以取適而寓閑居之樂是惡得謂之  
可乎哉是谷也宅不幽勢不阻求田者往焉問

舍者由焉而曾不誅一茅於其間此衆人所不  
可而自吾觀之則所可者在焉山自屋上遷迤  
而北成一斷麓而障於谷口此非可於幽居者  
乎前有翠峰濃抹如黛開戶靜對長為不遠之  
賓此非可於樂山者乎泉涌雲根細而成澗深  
浴鷓鴣淺浮桃花濯纓其上日夕忘歸則自適  
之樂非不可也白雲無心時或出岫一舒一卷  
皆是怡悅而不堪持贈則獨樂之興無不可也  
况乎乘春種芡帶雨移竹則土肥而不待養泉  
潤而不待澆鬱鬱左右色色成林為園之可無

以易此合五可環一堂而有力者莫之爭偷閑者莫之占貧而不見負窮而不見棄此所以吾所自可而其異乎人之所可者也夫陋巷非可樂而顏子不改其樂曲肱不足樂而聖人稱之以樂聖賢之樂在於自得吾之樂在於自可樂有大小而所可則一也登吾堂者有見於此則足以知吾之所可而於其意亦庶乎其可也既語遂書以為記

蜃樓記

東海若與西海若遊於十洲之上相謂曰以水

為國其來久矣而制度多闕水底之居則有珠宮焉有貝闕焉至於波上則遊焉而無可倚之欄息焉而無可居之所斯豈非水府之一大欠乎乃謀所以立樓於空中呼四瀆之龍曰女壺氣成雲曰六鰲女斷是立柱曰鮫人女獻蝦鬚之簾曰蜃叅軍女驅水族以役曰鱉主簿女出入水晶宮略倣其制而創之於是百靈奔走各效其技而樓成焉顧其以虛無為基以渺茫為界去梁而代以虹霓不礎而負以積水鎮之以水犀以辟游塵疏之以鮫綃以納海色其他瓌

奇之歸丹雘之彩可玩可愛可驚可恠之物皆  
取諸海市而無不備焉以其不土不木而結構  
之工皆本於蜃故請名之曰蜃樓浮空者水也  
而浮水者樓也望之若碧瓦朱欄參差於縹渺  
之間不可得以狀也其制必俟群仙出遊之期  
一瞬而成之去則亦一瞬而毀之一成一毀皆  
出於造化之自然然則成亦空也毀亦空也空  
者存而不存亡而不亡自與天地相為終始是  
亦斯樓之一奇也其視高樓傑閣飛出半天以  
為萬世歌舞之計而一朝時移事改滿目荒墟

者豈不遠哉於落之夕魚頭叅政請識其異以  
為記

### 保晚亭序

月沙相公卜巴江之南岸而創一小亭名之曰  
保晚凡公江上下而亭者不一其所而或與城  
市相近或與村屋相比未免為塵埃之所侵喧  
囂之所及而是亭也獨無二者之累又兼諸亭  
之勝豈非造物者為相公慳而待今日之卜乎  
吾觀造物之所以為相公謀者可謂至矣何者  
人皆擇地而地亦擇人故麗水佳山本無常主

使有常主則相公之介不得以有此也明月清  
風不費一錢一丘一壑價自相稱使無言錫則  
相公之貧不得以下此也敬歷 兩朝聲望藹  
藹 主眷時譽隆於一世國有誣則奉 命而  
必雪奏有請則竭誠而獲伸至於前後 欽差  
若楊若朱若熊諸學士俱以玉皇之近侍藝苑  
之英遊既見莫不悅旣別莫不思情詞芳訊千  
里交飛名已盛矣位亦高矣不有今日則相公  
之重不得以卧此也是三者莫之為而為不容  
私力於其間智者不及愚者亦不及非造物孰

能使之然乎然造物之所以如此者亦相公之  
所為也使相公實無保晚之心而啜糟鋪醕與  
衆皆醉和光同塵終日以俟則雖造物之力安  
能與時屈伸一日而引著於勝地哉抑吾之所  
望於造物者不止此也有園以之樂有流以之  
濯偃息而養疾婆娑而自適者此誠今日之幸  
而時必有泰道無常屈必使白駒就食於場緇  
衣復詠於今謝爾江鷓辭爾野雲進退廟堂之  
上陶鑄明良之化然後掛冠都門適此樂郊浴  
乎風乎咏而歸于斯亭則造物之能事畢矣而



人皆稱之曰壯而能行脫而能保者相公有焉

聽籟十客軒序

世之好客者但取於人而不取諸物此非真能好客者也聽籟主人與世相違不樂於京乃於唐城府之西卜其居構一軒環植衆芳而各有所取松竹以貞梅菊以香芙蓉友其淨霜葉愛其光至如號稱花王者牡丹也性知節序者四季也梧桐奇材而碧者最貴海棠名花而騷人多詠合而稱之曰十客而桃李之屬皆逐焉其言曰吾之於客也必取此者非謂世無客也吾

居既僻而吾性亦懶居僻則人厭性懶則交跡不厭不踈與我相從者獨有此客吾以是取焉顧其夾階森羅形形色色或帶雨露或排霜雪四時相對其意無倦海日昇空綠陰婆娑晚照頽軒衆影橫斜朝夕與處其色不厭園翁告去谿友不來寂寂庭畔四無人聲而在我坐側者此客也罷釣前溪薄暮獨歸望之如待即之如迎而動我喜色者此客也十為盈數亦已多矣得酒則酌其前見月則坐其間數畝荒園指為樂土一庭蒼苔視為賓筵使俗慮得消身世兩

忘者皆以客之功抑又思之使我有劍客則必  
以腐儒而辭我使我有酒客則必以貧居而謝  
我欲要詞客則我懶於吟詠欲要俠客則我短  
於權力其誰能一炎涼保終始如十客之不變  
者哉信陵之客所求者食而不見報息之人翟  
門之客所逐者利而返致雀羅之張以此見之  
則吾之十客勝於三千而翟公之客不足論也  
夫盛衰榮落物所不免也我不以此而變於客  
窮達進退人所不免也客不以此而變於我此  
所以主人不負客客亦不負主人也軒兮軒兮

可以終吾生而倘佯客皆應曰誠如主人之言  
請記而為序

贈震一觀察關東序

國之為江山固者關東也山之以蓬壺名者金  
剛也人莫不理芒鞋撫竹杖欲一遊其間而局  
束中虛過百年者何限况受方面按玉節布政  
甘棠之下露冕丹丘之境使千岩萬壑之態輸  
於兩眸者則尤非偶然也汝自騎省出按于此  
聖息之所無私人力之所不容私自恠之曰往  
在甲午我在金城仙山在望而乍經無火遊筇

四絕荆棘塞路加以秦兵有且至之憂溝壑積  
餓殍之骨居官者有何興而探勝景於山中也  
俄棄印組未償宿願汝於癸亥以言官左遷銀  
溪席未暖而罷歸岩洞之間屐亦未及無乃造  
物好事而欲售遠賈於吾家以償前後之願耶  
何其幸哉然方岳之寄所職非一 朝廷號令  
朝布夕下則隨事策應不可緩也一道民瘼巷  
議腹誹則剔蠹洗瘡不可怠也按事主公法而  
明於黜陟差役均列邑而合於輕重吾職無曠  
餘閑可乘則足以探江山之勝而答此造物之

意也時屬清秋微霜乍降千林成錦萬壑收烟  
或乘藍輿或蠟草屨蔭琪樹濯靈泉探歷於一  
萬二千峯之間者可謂奇遊而抑末也吾將語  
子遊夫山水者形也所以為山水者理也見其  
形而遺其理則未可謂之遊也東山泰山夫子  
登之而魯與天下皆見其小絕險崇留子長遊  
焉而文章之發勝於平日遊金剛者獨不可學  
此歟若能見山而會其所以峙臨水而究其所  
以流取而為方寸仁智之樂發而為學海波瀾  
之助則小魯小天下之意可以想見而子長之

遊亦可驗其不虛矣將行贈以序

參朮說

昔元行冲以參朮諷狄仁傑且請自備藥物之  
末仁傑曰吾藥籠中物何可一日無也行冲不  
為悅口之脯豔而必以參朮自期者將以藥仁  
傑而去無妄之疾也仁傑不以無疾自負而必  
蓄之以藥籠者將欲為大醫而醫一國也世未  
嘗無參朮也而非行冲則不以進於仁傑非仁  
傑則不以蓄諸籠而試之醫國也有人在山野  
中采得此藥而偶記行冲之言進之一人則曰

果良藥也當試之試與否未之知而觀其病痛  
未去則雖試之必不盡其方也如盡其方則效  
於仁傑者豈不效於今世之人乎既而又進之  
一人則頗有諱疾之色而視參朮若無覩未幾  
而病發於四肢其身且不保况望其醫乎國乎  
嗚呼仁傑不可得以見之則參朮亦不可得以  
試之如或有人曰一身之疾而喻一國之病牛  
渡馬勃以至敗鼓之皮俱收並蓄將以責其效  
其不棄參朮明矣豈非今世之仁傑乎夫攻一  
身之疾莫如參朮攻一國之病莫如人材以國

病視之則人材即參朮也以身病視之則參朮  
猶人材也行冲之薦於仁傑仁傑之貯於藥籠  
者良以此也然均是參朮也而其種或不一長  
於神農之圃采以和扁之方服之無惡效而使  
元氣日壯風邪自退者上也生於陰崖絕谷之  
中精氣內專不變於燥濕者次也其性甚燥其  
氣甚淺自外視之似為良藥而及其試之適以  
生人之病者最下也以最上者謂不足於用而  
生於陰崖者又不信其為良病既惡而無以治  
則乃取其最下者以代之此庸醫之所以敗於

前而今世之疾無時可愈也今當懷其藥籠而  
廣儲之知其為最上則用之而壯元氣使邪氣  
不得姦其間其次者采之以時乾之以方榮衛  
或虛則以投之氣血或傷則以試之既驗其精  
氣而可治其膏肓則難以申椒贈之君子使得  
壽斯民而通神靈其最下者雖備藥物之末而  
姑退之待其燥者沉淺者深然後試之使不與  
凡草木同腐然後得免為庸醫之歸而瘡痍者  
以甦呻吟者以瘳舉一世復躋於壽域而仁傑  
不得壽美於前矣嗚呼一參朮也而行冲獨知

之仁傑獨用之無行冲無仁傑則參朮其終不  
得見用於世耶抑是藥之在於天下者無古今  
也如使大醫之醫國者復生於世則行冲仁傑  
必不借於前代而舉世之人庶幾無疾病歟故  
廣其說而竊比於行冲云

唐德宗十年不赦論

論曰人君果可赦乎果不可赦乎曰有可赦焉  
有不可赦焉小人而有罪者是不可赦者也君  
子而微譴者是可赦者也不可赦而赦則罪在  
於赦可赦而不赦則罪在於不赦所貴乎無赦

者小人犯罪不得幸免也非以此為宥於君子  
而世之暗主欲遠君子則乘其微譴利其擯介  
托慎赦之名而吝可赦之赦是忌君子也隋君  
子也忌君子隋君子而一於無赦者雖曰美政  
吾必謂之褊心也德宗唐之中主也末年至十  
年無赦無赦美政也人或與之然德宗此心果  
真在於慎赦乎不過惡君子也惡君子之見宥  
也何以明其然也嘗考諸史見之德宗之末所  
惡者君子所譴者正人陸贄以盡言而貶陽城  
以痛哭而斥貶之斥之惡之甚也惡之甚者赦

之遽乎盧杞姦也帝以為相裴迪齡佞也帝欲  
作相帝之失孰大於此而二人廷爭為面折焉  
若旋逐而旋赦則貶者還斥者近間吾之政謫  
吾之用人復甚於前日矣猜忌之念以此猶焉  
是心不忌而日復一日今年不赦明年不赦又  
明年不赦以至十年之久適二人卒而赦始行  
使二人不死則德宗之不赦不特十年而已也  
曾以是為帝之美政乎治世之得罪者必小人  
故貴於無赦亂世之得罪者必正人故貴於有  
赦然則德宗之末貴於有赦而不貴於無赦也

不華而君子犯科故帝慎於赦至於此若使迨  
齡輩一陷於罪則帝之赦將不勝其煩庸詐知  
赦之可慎乎以此言之於小人則無終日之怒  
於君子則有終身之怒帝之心是誠何心哉易  
曰赦過宥罪書曰五罰之疑有赦若不論賢否  
不度輕重而一於無赦則聖人必不以此立訓  
也德宗之所可法者在先聖則宜莫如舜也而  
舜有眚災之赦在祖宗則宜莫如太宗而太宗  
縱死囚嗚呼德不如舜遠矣治不及太宗亦遠  
矣而獨於慎赦求過於舜與太宗帝之褊心亦

已甚矣或者曰陸贄陽城果賢矣然曰數子之賢而至於數赦則安知故縱者多而為小人之幸乎是亦不思之甚也夫玉石俱焚古人所戒而周制八議有議賢議能之法其身有罪為賢且能則尚且議之况曰小人之罪而不恕君子之微譴乎且帝固用赦矣興元元年大赦罪已至使驕將悍卒莫不感泣赦而如此則何失之有但是赦也非帝之本意而勸之者陸贄也贄今見忤故并與其赦而非之帝之心公乎褊乎嗚呼小人在罪則天下猶恐有赦君子在譴則

天下猶恐無赦天下恐其有赦而吾赦之則是赦以一已也天下恐其無赦而吾赦之則是赦以天下也赦以天下者其心公赦以一已者其心褊向使德宗知赦以天下則知帝者天下罪帝者天下而帝不預焉豈不為君子之幸而後王之可法乎由其失於褊心而深惡君子故可赦而不赦至於如此此所謂罪在於無赦也然光武明君也具漢賢臣也而以無赦為諫世之人主效德宗之無赦而戒德宗之褊心則其亦善矣謹論



書陸集卷之六  
故兵秀才竝妻尹氏傳

尹氏之先著於南原譜曰祖故判書諱暉曰父  
前察訪諱衡後其質淑靜其行簡默一言一事  
動遵女則年十八聘為兵秀才配秀才姿稟玉  
潤孝友天至志學不倦書亦入神凡於外物視  
之泊如至於父母所與文房之具亦必辭之辭  
而不獲則敬受而藏之以待父母他日之用尹  
氏既有美質又多觀感事舅姑盡孝御婢僕有  
方心行之可服者列女傳所鮮有歲乙丑秀才  
遘疾沉綿不離床席者十朔而晝夜奉護不解

衣帶湯藥必親奉廁踰必親洗未嘗少懈秀才  
一日氣絕知其必不能救決意與之同死潛以  
所佩小刀刺其頸赤血亂瀉諸親驚救多方絕  
而少甦而秀才終至不起自是一粒不入口哭  
泣不絕聲朝夕奉奠身必自親奠既卜泣訴於  
舅姑願隨喪車親往葬所少伸臨壙之慟舅姑  
力止曰葬地之去此三百餘里婦人決不可往  
以此不果行蓋其意托會葬以往欲自決而同  
入于穴也既返魂哀毀之慘一如初喪塊處秀  
才所終之房朝夕哭祭之外一步不出外穀液

專絕日中以糟糠作稀粥一番沃喉而止氣力  
漸盡一步九顛而祭必自奠一日不廢如是者  
六箇月今年五月初七日行夕祭撤自言有曾  
腹痛求吸南靈草又飲燒酒一小盞仍厚覆衣  
衾而卧至夜四更忽有氣息將絕之狀在傍之  
婢為之驚疑急起燃燈舅姑蒼黃奔救則已無  
及矣其父母住在不遠而亦不及於未絕之前  
日明將襲閱所藏衣籠則中有一紙諺書乃襲  
與大小殮諸具之錄也又於小箱中得二封諺  
書則於前面各書上白是一則曰姑前一則曰

毋主前令女族開讀則字字裹赤天袞地慘內  
外男女親屬莫不悲裂至於族黨隣里家諸婢  
頂粥盆而來者亦皆流涕而不自已書中又有  
一言曰家翁無子女後祀必絕吾非不欲割情  
苟存躬執三年之祭而慟不自抑不忍獨活以  
至殞絕願以家翁次兄之次子為後使家翁香  
火不絕則九泉之下吾得瞑目云其從容自盡  
懇惻所言真若生而相與告語者此乃學道君  
子所難能而婦人處置裕如夫行高於一世者  
或得以見之行高於千萬世者不可得以見之

若尹氏之行可謂高於千萬世不可使之無傳  
故略記其一二

成仁錄跋

仁之難成也久矣能殺其身以服聖訓者莫如  
兩先生雖其精忠大節不與骨皆朽而昭揭烈  
烈者得是錄益著兵火之後逸而罕見圍隱之  
後曰兵使鄭應聖得一本而鋟諸梓復使人人  
對其卷而想其人所以表前後之共貞而尤惓  
惓於家聲者吁其至矣謹跋

揭帖

萬經理回帖

自此至日本回書庚子年  
間以承文院製述官作

還辱復帖若承警效區區之心豈堪銘佩第於  
下面其稱使价之語者反覆再三令人短氣狡  
虜多詐野心難恃朝雖無警夕而可懼况托和  
通書禍心未已此則大人之所親睹也海上之  
警其可謂必無乎不穀未嘗得一夕安寢然抑  
恃以無恐者徒以大人之臨辱與水兵之留屯  
爾一以借重 皇靈一以賈勇疲兵不啻如猛  
虎之在山藩籬之衛宅故曾以三千願留之意  
懇懇於奏咨陪臣之還尚未旬日其間有何可

恃之勢而遽出願撤之言乎無根之說誤徹大  
人之聽至以奏聞見教不幸孰甚焉若賊必不  
來小邦必無憂而天兵不必賴則于役之勞曷  
月之怨不穀私常閱于中當以可撤之狀或為  
面陳或為咨稟於大人何待於使价之行言乎  
唯大人明察舍旃舍旃則幸甚

李提督承勛回帖

伏承大人詳玩庭議勤賜指諭利害所關感激  
采增至於積十月之哀冒以戌之勞則不穀亦  
常戚戚於心而若痒痲疾痛之切于身者也小

邦待變朝夕万急而君巨弱植自強無策所以  
得一夕安寢者只仗天兵之在則欲留各營之  
兵以控南服之勢者豈非至願而公私之竭日  
甚一日三千口餉之外决無可辦之路故上本  
請留止於三千而並乞折銀此乃反覆自量不  
獲已而有此陳請豈有一毫餘力而故為此冒  
昧之舉哉小邦區區之情已盡於前奏大人高  
明亦必想見今不敢更有他言以積僭瀆之罪  
惟在大人上酌 天朝之議下察不穀之情善  
為裁處以惠小邦

李提督回帖

暑雨彌日未候起居大人先辱以書又餽以禮  
拜嘉之餘只增感激獎賦已竭只恐供億不繼  
使王師或有飢色豈敢有速撤之願乎今者  
聖諭及兵部貴諸大人仍為撫鎮云終始保全  
皇恩若天而虎豹在山之勢隱然足恃其留也  
睿筭有在其撤也 廟謨必審不穀何敢任之  
大人軫念小邦其於善後之策懇懇至此不穀  
可謂無國而有國也但大人臨戎抱感未伸孝  
思瞻望於櫬每切沉痛小邦之故也此非言語

所可謝不宣

史指揮世用回帖

一札慙勤兩盡事情不穀之幸也良荷良荷大  
人視小邦猶同室為之奔走前已勤矣今者跋  
涉水草不以為勞而且恤目前殘破幸以簡約  
耐其苦淡一鷄之殺心有所不忍一毫之物義  
有所不屑其在小邦禮接之心則大有所憐而  
惠之所及孰不知感至於二策以大義言之則  
小邦之於倭為萬世難忘之仇而無一天共戴  
之理設使萌其悔禍之心以盡區區之禮無以

泄不穀枕戈之憤而他日變詐亦所難測然大  
人籌畫曲盡利害事之集與不集只仰 天朝  
成笑而已謀人極其忠不任感佩之至

答吳都司宗道帖

示諭丁寧過於自謀不穀何幸蒙此左右之勤  
乎私懷感激無以稱報變詐之賊嘗我百端然  
一天所耻萬世難忘蓋奴曩婦實切此心而兵  
孤力綿迄今抱羞罪在不穀痛心疾首食不下  
咽奉書請和豈有其理但今日之策善後為急  
而上下無謀莫知機宜唯望經理各衙門諸大  
人笑無遺策以終拯溺之仁而已

日本回書

羊陸相交古人所譏而有問不答亦云非禮茲  
布遠情以報惠書貴邦弊邑隔海為隣世結懽  
好數百餘年貴邦曾無盜奴曩婦之念而遽驅  
無名之兵先侵與國之境使廟社丘墟生靈魚  
肉若爭曲直則將軍亦無辭矣兵連禍結十年  
于茲糜爛之慘兩國相當要和之說或可勉從  
但 皇朝之於弊邑視之如子不唯救難於一  
時使經理提督諸將官領兵留屯于今不撤故

謀無輕重事無大小必皆先稟於 皇朝聽其  
處決况此講和之事尤不可不待准可而輕決  
於兩言也戊戌以後所送之价天將帶去至今  
未還故以闕口音以致貴邦之恠訝爾非有他  
意於其間也古語曰信不由衷質無益也設使  
弊邑不惜一使再尋前好而貴邦之無信猶夫  
前也則區區盤血只欺鬼神誠能以信為本有  
如皎日毋踵前失要為永好則 天朝自有解  
紛之舉而弊邑亦遵香火之約矣

疏

除咸鏡道都事以親老乞免疏

伏以人臣分義只以陳力就列為重區區私情  
所不暇顧也然親年七十則勿叙遠地至刊於  
金石者所以崇獎孝理不廢人倫之至情也國  
以孝待人子人子不可以不孝自處而不籲號  
聖慈以伸烏鳥之情也伏願 聖明憐察烏臣  
於本月十四日政得授本職其在闡聳榮實極  
矣拜 命就道當如不及但以老母之年今方  
九十口無餘齒食不知味氣息變於朝夕疾病  
生於頃刻棄如此之母而赴最遠之域則望雲

何補於定省而倚間必媒乎心疾思之及此臣  
實固極人孰無親而百歲者罕西山之日其餘  
幾何此臣之所以不忍遠離而吐露至情於  
天日之下者也伏願 聖明許令適免俾遂私  
願則母子餘生無非祝 君之日也臣不勝庶  
藁屏營之至謹昧死以 聞

甲子封事

反正二年秋七月在錦山上陳

伏以臣以衰朽餘生幸值義舉晚赴盟壇參扈  
龍飛纒瞻 日表遽授郡章共理非才自知鉅  
心之罪逢時更化欲獻野人之芥茅以職卑人

微韜舌逾年近者伏見 殿下備忘記則以禁  
奢侈節財用求人才恤民隱擇守宰為切務以  
之勉相臣以之警兩銓以之勅臺諫及方伯此  
乃堯舜禹湯之言而堯舜禹湯之心也大小之  
臣必懷然易慮一心一力求所以仰體 聖意  
殿下亦將日新又新有始有終求所以必行是  
教魯之一變正在今日有君如此不言則刑况  
以勳府之啓身無寸效而濫蒙 恩階箴獲之  
霑感激之心尤不能自禁略陳愚衷仰瀆 睿  
鑒伏願 聖明垂察焉勿以人廢言夫更張之



政大本為先紀綱法度是也粵自廢朝上無道  
揆下無法守人心俗尚波流風靡渙散久矣汙  
染極矣反正以後雖急於改絃之舉而寂無著  
月之效者以二者未立也以大公設政令至正  
行賞罰則紀綱不期振而自振使科條若畫一  
輕重同絜矩則法度不期正而自正然後  
下備忌之教不歸於捕風捉影而可以副宵衣  
旰食之心也伏願 殿下先其所當先者為軍  
政之弊其疾痼矣今使查條逃故通融作戶以  
紓一族之怨此誠不忍人之心不忍人之政也

位其中稱以逃巨者不是高飛或匿於他道及  
四隣之境而一族或有相通者稱以物故者非  
有左契死於他官者以寸絀立案難核其虛實  
如此者什居二三而又括閑遊品官使充作闈  
之戶品官之中老而不合者失頌更毋死之望  
壯而可合者皆是納粟受帖之人此外閑遊者  
什無一二巨恐所得者小所失者大也何者一  
族之侵付之已久品官之侵于今始見驚擾之  
怨反倍於一族使彼無怨使此興怨必非救弊  
之本意也以王政言之輕徭薄賦使民各安田

里則流亡還集軍額無闕而一族之弊自祛以  
權宜言之號牌之法行之以實則漏丁逃軍無  
所隱伏不侵品官而虛簿之額可實伏願 殿  
下亟使廟堂講其最長之策以救軍政之弊焉  
采薇之恤自古至矣上年赴西之軍屬於逆迨  
及其叛也如猛虎之驅羊雖欲歸正其勢必難  
及至黃州始投於元帥其背逆向順之心可以  
贖當初脅從之罪今者更使抄赴以准十二朔  
之限靡室靡家不足言也當其初赴已給資裝  
今不再給使之自備孑軸皆空家啼號泣新又

之呼不忍聞也臣以為軍情之向背最關於成  
敗之機此屬中道歸順之際我軍必增其氣賊  
勢必見其弱比之終始附賊賊滅始退者豈不  
有關一時之功不可不論他日之事不可不勸  
也 朝廷既領事目雖附賊之軍喻以免罪使  
各安居謂附賊非其本心而全釋其罪知此屬  
不無其功而猶使再赴後有臨機向義者竊恐  
以此為戒而沮其心也賞罰之權未免小差其  
中取考元帥印票有無兵曹與元帥彼此相驗  
無印票者使之准防有印票者減其朔數之半

而調蘆嶺以下前年未赴者代之則勞必無不均而軍情無不悅矣伏願 殿下使備局速為酌處焉量田之舉在今急矣莫大者 祭享莫重者 御供而皆使減損 殿下之節用無以加矣而國用方竭百司皆空此由田結之多漏而賦入之不實也足用之策只在量田而已然別設都監分遣 御史則先貽騷擾之弊而不足以致經界之正也唯使守令各盡其心出入阡陌親核陳墾之虛實田品之肥瘠大邑則限以兩年小邑則限以一年而專委方伯黜陟勤

慢使八路田結得完於三年之內隨其覆審之先後筭出逐年之貢賦則歲入必倍於今日而國不患貧食亦可足矣不然而一可一否掣肘度日僅拾秋毫之微以救目前之急設使 天朝降助糧之勅則國何以奉其 旨奴賊有犯塞之警則軍何以繼其餉乎伏願 殿下亟命度支試行臣策則猶愈於刮毛龜背坐而待盡也臺諫之風采所繫重矣君必虛心而樂聞臣必盡言而勿欺然後公論立而是非定矣若聽不如流言有未盡則上何以聞其過失下何以

稱其職分乎雖所見未及所論或激明王莫不  
容受者所以不損其風采也今 殿下曰御  
經筵時許輪對政有得失而無不聞事有是非  
而無不燭然耳目之寄則在於臺諫矣苦口者  
瞑眩而捨此則死病不可醫逆耳者忠言而非  
此則亂國不可理 殿下勿謂逆適之已已也  
今者國勢未可謂已定人心未可謂盡服於此  
而政或失道民或離心則一適雖巨而諸適爭  
起矣臺諫所以隨事必爭李貴之所以強駭不  
止者非欲沽直實有深慮也伏願 殿下益恢

虛受之量以獎敢諫之風則四聰無不達四門  
無所壅而 聖德之進可軼於堯舜矣孟子曰  
不以堯舜望其君賊其君者也臣之愚衷實出  
於此也臣伏見古之聖王於正心誠意修身齊  
家之道不待勉強而躬行已至猶必銘於盤盂  
刻於几杖者恐敬心小弛而怠心易勝也六經  
語孟無非格言 殿下所以不怠於朝晝之講  
者將以學于古訓進修 聖德也然萬機至煩  
精神有限十二時間不息之功未免間斷也聽  
之以耳不若見之以目戒之於衆不若慎之於

獨此盤盂几杖之所以必刻也大學之書止於十章而誠正修齊治平之道皆備焉寫作一屏名曰大學屏而張於寢殿則便於顧諟觸眼可法此即盤盂几杖之箴而屋漏之一常參燕閑之一經筵也山水之障無補於修德梅竹之畫不足以治心伏願 殿下以臣此款下于弘文館列書于屏而進之則出入相對者孔子曾子也坐卧所見孔子曾子之訓也其於緝熙之功不無小補也臣欲造獻而嫌於私獻不敢作備也群臣孰不欲納 殿下於無過之地而舉義

臣僚尤不勝惓惓不知 殿下念之否乎嘉言嘉謨日陳於前而臣敢以一得瞽言遠徹於冕旒之下可見其愚不自量而取笑於一時也伏願 聖明垂察焉謹昧死以 聞 批荅省疏具悉嘉爾愛君憂國之誠疏辭當議處焉

備邊司回啓曰金某疏內所陳切實明白有非尋常貢言者比其曰大公發政令至正行賞罰科條若畫一輕重同絜矩等語深得立紀綱正法度之要唯在 聖上體念而毋忽

為其曰輕徭薄賦使流亡還集而姑緩品官之括先行號牌之法云者亦得先後本末之序宜令該曹採施而憑處焉其曰赴西軍為賊迺所驅而中路歸正者勿使再戍云者亦不無意見而其中陣上有功之人既已分輕重施賞其餘散遣本家者帥臣既與渠輩約束再赴今方入送似難更議其曰足用之策只在量田專委守令監司限年責完云者亦是今日之急務宜令該曹度勢而量處焉至於末端所言願恢虛受之量以獎敢諫之風

使四聰無不達四門無所雍等語益見惓惓之忠以堯舜望其君者也大學十章作為一屏以便顧諟者亦得古人丹宸金鑿之意令詞臣稟處何如

兵曹回啓曰當今國家莫急莫重之事只有軍政一事而流亡相繼充補無策不得已為搜括閑遊品官以充闕額之計今見金某疏內辭緣果為切實依備邊司回啓施行似為便當待號牌公事停當後更議處置何如  
四時之序成功者去箴

一理回幹節分以四寒暑互易消長交至若環  
相循如夜而晝人處成功視此當悟貴不可極  
榮不可以去必以可速亦隨時不辱不殆其不  
在斯詭蠱伯越扁舟遠涉子房佐漢赤松同遊  
皆法天時以保明哲有違於此禍必終及昭昭  
此理亘古亘今日何俟終戒在吾心

祭奉常正李公文

公名尚俊字秀夫與余並被已卯司馬  
選既巨奠于揚州陶山返魂于海羨余  
自錦山賡文與真送人致哀

嗚呼世以利交君取同志世與我疎君獨知己  
如蘭其臭斷金其利聯鑣藝苑掉鞅試席蓮籍  
同登龍門後躍炎涼互變趨向不易居必相尋  
勳必相逐或住湖庄書憑過鴈或入都門日對  
青眼白頭在世化日新昇同宰湖甸亦曰得朋  
年友盍簪營門設樽照以肝膽親比身昆君先  
解職我未投綬渭水江雲幾月幾日夢寐知親  
萍水異流良會未再浮生遽休身生世家才出  
人右割鷄數邑留碑萬口玉曾近頂心實若况  
官終太常自甘鷁退書札在篋音容如昨魂胡

倏逝使我莫覲陶山草宿海墅路阻淚洒風前  
吹送何所卧不問疾瘳不撫棺遺孤未恤吊賻  
亦晚百年交道辜負此別何以寄謝鷄綿與吳

祭判敦寧李公頌文

惟靈銀潢一派崑玉元精剛方成質廉約出誠  
仕不求名志愈守靜動遵直道行避捷徑屢佩  
銅章碑在人口一轡澄清印多解綬脫鞅芻冠  
人避駘馬空囊赴燕有贐皆謝事君竭忠居職  
盡悴既躋卿月自同寒士齒德並尊燕毛生色  
養唯待祿貧不願逐行義 上徹罷擢斯加班

亞台階事光朝家鳳儀 三朝金闕百鍊年臨  
上壽兩楹夢奠生為世欽沒貽人慟余自登門  
猥側侍奉山今一頽我將安仰更對厖眉只期  
黃壤

詞賦

宣宗大王即位四十年陳賀箋文

德侔六七聖存克敬而祈天龍飛四十春享純  
嘏而永命民惟久戴世罕今休恭惟寅畏殷宗  
欽明震帝鬼神默祐無疾病於吾王山川叶靈  
綿瓜瓞於寶曆時臻諸福慶自一人伏念日邊



葵心湖外藩服違離象闕未捧萬年之觴瞻望  
蓬萊竊效三呼之祝

大殿冊封頌

詔陳賀箋文

鳳綸先布許一國之輿情星槎特臨頌再命之  
寵典榮隆前後頌唱臣民恭惟龍潛以時天與  
厥位社稷為重豈衆議之終辭曆數攸歸果萬  
里之明見茲恩命之至又邁晉錫之以三伏念  
屍居逾爪寸心戀闕燕雀同賀雖阻百僚之班  
葵藿自傾不覺大陽之遠

大妃殿陳賀箋文

復見天日貴履母儀之尊恭承鳳綸更兼坤章  
之錫玄黃動籠雨露成恩恭惟聖配先王行  
蹈內則忍空宮之幽慶憂患猶生從大策於危  
疑宗社以定茲蒙萬里之見獲此五采之旌  
伏念一辭簾前遠屏湖外宣仁不私竊喜同堯  
而齊舜馬右至老行見含飴而弄孫

中殿陳賀箋文

窈窕配聖繼關雎之正風錫予自天煥異數之  
曠世十行含澤五章交輝恭惟不求袂良唯體  
坤順動導女史盡婦道於塵埃貴居椒房行儉

德於締絡宜承紫泥之封典致有今日之皇  
恩伏念遠守藩屏遠聞浹汗阻翟幃於日下未  
預舞蹈之班采摽木於周南只貢頌禱之懇

冬至箋文

碩果不食氣循環於地中稚陽欲萌雷有聲於  
夜半群陰乍退暖律潛催恭惟寒極回春早餘  
降雨在璿璣而齊政天且弗違調玉燭而致和  
時自恒若關纜報開仁及含生伏念遠效葵傾  
以忝郊寄千門萬戶遙想次第之開三呼再稽  
顙無出入之疾

正朝箋文

歲鑰已換鶯律管之初灰王春乍回應斗柄之  
東指三元贊德萬類含榮恭惟命新舊邦業恢  
前緒改絃易轍化一世而更張抑陰扶陽叶九  
疇而恒若茲當少昊之御茂膺五福之臻伏念  
南服逾年北闕馳戀與民拭目瞻日進之休光  
稽首呼山貢葵傾之微懇

獻履履啓

奉嬪高門監托葛藟之蔭迎祥嘉節敢修履履  
之儀惟禮則然非物之美亦惟舅姑內教主敬

外事以嚴如瑟如琴允叶家人之吉止慈止孝  
能獲福履之綏茲趨夜半之雷恭進手中之製  
伏念婦食貧不怨且室為心鷄初鳴而拜堂縱  
愧內則之訓日南至而獻祝頌享上壽之齡

白川鄉校重創上梁文

儒林會吾道之災久泣學舍之草邦君復聖人  
之宇忽架彩虹之樑何幸而身親見之于今而  
文未喪矣述夫自生民未盛於夫子而此邦莫  
尚於尊師父子君臣夫婦長幼朋友之倫知斯  
五者洒掃應對禮樂射御書數之教或聞一焉

然未及其門尚餘澤之不斬雖曰未之學乃所  
願則匪他爰卜天慳之一區乃奉玉振之大聖  
鳥獸風雨之害環數仞而自除殿蕪齋堂之規  
倣太學而是殺正素玉南面之位溫良恭儉讓  
之餘輝次章甫諸子之班顏閔曾思孟之列侍  
歷累歲而增飾環百里而聳瞻何國運值雲雷  
之屯而天心助卉服之逢三都禮樂文物摠委  
兵甲之塵千里草木山川盡被腥膻之汚已見  
魯泮之無所况望鄭校之能存菜夷費人痛未  
卻於身後秦燒楚炬慨無救於目前一邦青衿

抱祭器而為往兩丁亥酒迨十年而不陳蜀郡  
之儒化何歸武城之絃歌久寂使庠序不復雖  
有粟而食諸而公私未遑故棄基於嚮也今侯  
好古而嘗聞俎豆學孔而得見文章貯水壺於  
一襟不受泥滓之黥恢政刃於數郡務浚風化  
之源漢璽褒良耀三品之頂玉叔度來暮咽五  
袴之民謠笑百廢於下車專一意於興校其毀  
其成係治亂道以晦而以明彌高彌堅無古今  
人所仰而所鑠未堪此世之長夜可忍舊基之  
終墟其為我鳩命二三子而一力無貽民病廢

朝夕饗食而儻功仍面勢於山陽不違龜筮之兆  
剔燒痕於林際更開泉石之顏拓信土而建基  
較心匠而投役執斧執鋸群工咸聽於梓人是  
又是尋象材皆中於繩墨上馬棟下焉宇取大  
壯而為規大宜楠小宜楮畫奕斯而畫制星一  
周而乃訖德百世而可觀翼左右而設廡以之  
護聖居而尊其道分東西而作室使之處學徒  
而明其倫以智而謀以仁而居知陟降之在此  
無後於前無廢於後想規矩之得宜聊陳六偉  
助舉雙虹拋梁東山與尼丘互始終道體誠憑

高慶驗魯邦還小雨時中拋梁西乾地到此露  
端倪崑然數仞墻猶在學得其門路不迷拋梁  
南仁智之樂一半參函丈各教書爾志超然點  
也異乎三批梁北天之高也同其極仰瞻星偏  
斯無愧所樂應從心上得拋梁上江漢秋陽不  
可尚元氣冲融扶棟宇斯文日月者重胡拋梁  
下可止可行無不可君子居之莫言陋夷而中  
國是為夏伏願上梁之後闡四海而無虧基億  
載而不拔天以位地以莫不見陵谷之互遷水  
益清山益竒盡洗氣稜之舊染培忠信於十室

流教雨於五鄉立之道之綏之動之得邦家而  
勿替博也厚也悠也久也配天地而無窮

迺安五賢書院上樑文

有斐不可忘仰山斗於既遠聞風足以立喜典  
刑之尚存宜為百世之師創此特地之構伏以  
聖朝興運君子有儒寒暄一蠹之挺生以吾道  
而自任晦齋靜庵之相繼振斯文於將墜有若  
退溪亦鍾間氣至於五為盛不其然乎才難以  
其數已周幸復見夫名世月征日邁造次必法  
於前修尺步繩趨踐履一本於小學洗流俗口

耳之習使人昭昭疏千古義理之源如泉混混  
得接圖隱之餘緒可見魯國之多賢以之事君  
必欲俗熙皞而君堯舜使之行道竊期家孔孟  
而尸程朱在當日未究其設施而後學益切於  
思慕顧此互鄉之小子亦歆後世之流風審思  
明辨之開來孰不曰道之所在嘉言篤行之如  
昨未可謂今也則已雖警欬之莫承抑鎖仰之  
可效我師道也不必鄉先生而後尊文將喪焉  
何待國太學之從祀爰卜依仁之一所乃得廢  
校之舊基同志鳩功三歲草創圭臬辨方位務

合至正之規松栢為楹楹蓋取後凋之節承以  
兩旁之黌舍此然中立之正堂半畝塘中虛涵  
活水之鑑數仞墻畔日開入德之門庭可容立  
雪之徒階以循進學之序比竹林之精舍損七  
子列祀之規較西澗之書堂增三劉設次之制  
寒士可以庇凌廣廈之千間得志所不為謝衰  
題之數尺茲效六偉助舉雙梁拋梁東蒼龍蟠  
屈翠嵐中孕靈毓秀需今日暮暮朝朝氣鬱葱  
拋梁南十里荷池雲影涵冰底潛龍時或躍玄  
初神德與天參拋梁西山連平野互高低地靈

亦與人謀協驅使風雲護璇題拋梁吐飛鳳蒼  
蒼萬古色可待高崗時一鳴聖君今日周文德  
拋梁上日星並照光愈朗棟隆不撓自堂堂髣  
髴諸公任重象拋梁下龍盤礎底祥雲惹基曰  
信土作曰天悠久也兼博厚也伏願原泉不竭  
儒林自新草木皆著其文章山水有助於仁智  
英才出矣學成數而藝成林君子居之瀑為容  
而谷為德

### 禁史賦

史可禁乎宇宙間公論紛紛國乘而野記炳是

非邪正之莫遁懼世譏而欲禁笑泉窓之大癡  
人如見其肺肝豈爾禁之可止屬南渡之天地  
為左腹之妖狐偷殘命於社虜病國是於南朝  
鼓和戎之邪議擯勤王之正士搜江南於龜茲  
屈天子於犬豕吳山胡馬爾實召之汴京未忝  
爾實致之罪罄竹而何盡惡流海而難洗既所  
行之若是慮難逃於衆議董史懲載實之筆麟  
經懼誅心之法思不善之是掩左所憚者野錄  
於焉厲禁之是立禁一時之直史鉗秦民之巷  
議抑唐人之腹誹將使媚虜之計莫不歸於大

書誤國之惡庶不載於特筆將區區之一禁蓋  
平生之孔慝既無憚於不善胡有禁於記惡是  
欲掩而難掩豈公論之可滅不知已惡之可禁  
反禁人之議已足又戒乎一史慨爾禁之惡在  
嗚呼魯之春秋誅萬古之亂賊楚之擣抗寓一  
時之鈇鉞禁史而可以蔽奸孰無禁於古今云  
胡老奸之莫念反欲禁其難禁一時之議可息  
萬古之誅難避曾何益於設禁尚爾惡之備記  
重曰嗟爾奸人毋禁乎史爾苟不善史必記之  
嗟爾奸人毋禁乎史爾苟為惡雖禁必錄何煩

於禁一善是矣

夢裏好事多賦

燕霜侵北扉之夜關月冷南天之色歌六噫而  
鴻恨憶舊主而飲泣魂耿耿而假寐化南遊之  
蝴蝶忘殷墟之麥秀覲舜殿之衣裳趨長樂之  
曉鍾隊玉筍之舊行策覲王於玉帳謀刷耻於  
榆塞世傑未死於平章秀夫不入於雲海日再  
瑞於陳橋鼎不改於周邑几淚痕之尚在桂檠  
天之未折或草檄於轅門揚我武於九伐或獻  
俘於鳳闕賀中興之偉烈依然一枕中事恍若



四十年久忽一聲之胡笳喚羈夢於中路曾余  
好考何歸慨今時則不然泣圓高之夜雨怨北  
風於天邊念孤臣之初志非一夢之可了把挽  
日之金戈血胡兵之十萬誓一心於存楚期盡  
瘁於匡漢何時勢之不利與夢中而異好沉日  
舸於風濤換金甌於犬豕餘一生於宇宙面有  
覩於天地將興撥之大志徒甄試於夢裏縱遽  
然之非真尚云幸於見君苟余夢之果驗可華  
晉乎乾坤空半記而不記視九死而自甘已焉  
哉天實為之吾不復夢見江南

青陸集卷之六終

